



Սիրելի՛ ընթերցողներ, սիրով ներկայացնում ենք Ձեզ ԵՆԿ հերթական ամսաթերթը որում կպատմենք կազմակերպության հուլիս ամսվա անցուդարձի մասին:

«ՀԱՅԱՍՏԱՆՈՒՄ ԲԱՅ ԵՐԻՏԱՍԱՐԴԱԿԱՆ ԱՇԽԱՏԱՆՔԻ ԿԱՅԱՑՈՒՄ» ԾՐԱԳԻՐ

Ուրախությամբ հայտնում ենք, որ ՀՀ կրթության գիտության մշակույթի և սպորտի նախարարության ֆինանսական աջակցությամբ Գյումրու Երիտասարդական նախաձեռնությունների կենտրոնը մեկնարկել է «Հայաստանում բաց երիտասարդական աշխատանքի կայացում» ծրագիրը:

Այս ծրագրի իրականացմամբ մենք ցանկանում ենք Հայաստանում երիտասարդական աշխատանքը հասցնել զարգացման նոր մակարդակի:

Նպատակն է՝ նպաստել Հայաստանում բաց երիտասարդական աշխատանքի (ԲԵԱ) կայացմանը՝ ոլորտային դերակատարների կարողությունների զարգացմամբ և միջսեկտորալ համագործակցության խթանմամբ:

Ծրագիրն իրականացվելու է Գյումրիում Վանաձորում և Երևանում:

Հետևեք մեր նորություններին: Մանրամասների ու գործողությունների մասին կտեղեկացնենք լրացուցիչ:



ԵՆԿ ԱՆՂՆԵՐԵՆԻ ԱԿՈՒՄՔ

Հուլիսի 1-ին մեկնարկեց անգլերենի սկսնակ և միջին մակարդակի ակումբները: Սկսնակ մակարդակի ակումբավարներն են Անժելա Գրքիկյանը և Աննա Մարտիրոսյանը, իսկ միջին մակարդակինը՝ Սյուզաննա Պետրոսյանը և Նեյթըն Գրեհեմը:

Ակումբի մասնակիցներին մաղթումենք արդյունավետ ու հետաքրքիր աշխատանք:



UPSHIFT ՀԱՅԱՍՏԱՆ» ԴԵՌԱԿԱՍՆԵՐԻ ԶԱՐԳԱՑՄԱՆ ԵՎ ԶՈՐԱԿՑՄԱՆ

ՊԻՆՏԱՅԻՆ ԾՐԱԳԻՐ

UPSHIFT Հայաստան» դեռահասների զարգացման և զորակցման պիլոտային ծրագրի թիմերն այս ամիս ավարտեցին իրենց ծրագրերը)))

«Gyumriver» թիմ



Հուլիսի 6-ին և 7-ին Gyumriver թիմն իրականացրեց Գյումրի գետակի մաքրում Ավտոկայարան, « Ձորի մայլա» և Միեր Մկրտչյանի փողոցին հարակից գետակի տարածքներում:

Թիմին էին միացել Գյումրու քաղաքապետարանի աշխատակիցները, թիվ 1 ավագ դպրոցի ուսուցիչները և աշակերտները, Գյումրիում Եվրոպական կամավորական ծառայության և Խաղաղության կորպուսի կամավորները և մի շարք այլ երիտասարդներ:



«Էկոլոգիապես մաքուր տոպրակներ» թիմ

Հուլիսի 7-ին տեղի ունեցավ «Էկոլոգիապես մաքուր տոպրակներ» ծրագրային գաղափարի «3+2» թիմի հանրային միջոցառումը որի ընթացքում թիմն իրականացրեց թղթե և կտորե տոպրակների բաժանում: Տոպրակներին կցված էին թռուցիկներ որոնց մի կողմում ներկայացված էր պոլիէթիլենային տոպրակների վնասակարոնությունը իսկ մյուսում բացատրված էր թղթե տոպրակների պատրաստման ձևը:

Բաժանվող Էկոլոգիապես մաքուր տոպրակները Գյումրվա բարբառով ու հումորով կոչեր էին պարունակում օրինակ՝ « Մաքուր պահե քաղաքը. Այ՛» կամ « Առանց թունավոր գազերի օդ գուզենք»:



«Օքսիլիո» թիմ

«Ճառատունկ, թռչաբներ և կերամաններ» ծրագրային գաղափարի Օքսիլիո թիմն Բագրատունյաց պուրակում իրականացրեց թռչաբների և կերամանների տեղադրում:



«Համայնքը մեր ձեռքերով» թիմ

«Համայնքը մեր ձեռքերով» թիմն իրականացրեց ծրագրի ամփոփիչ միջոցառում՝ Նրանց համայնքային ծրագրի արդյունքում «Երիտասարդների տուն» բաց երիտասարդական կենտրոնի բակում պատրաստվել է smart/խելացի աշխատանքային տարածք, որտեղ տեղադրվել է արևային էներգիայով սնուցվող սյուն, Նրանց ձեռքով պատրաստված նստարաններ և սեղան:



GET A BIKE. GET A LIFE

ԵՆԿ ՉԿ-ի «Get a bike, get a life» սոցիալական ձեռնարկատիրության ծրագրի շրջանակում հուլիսից մեկնարկել են ժամանցային ու ճանաչողական հեծանվային արշավները տարբեր ուղղություններով
Այսպես, հուլիսի 14- ին իրականացվեց առաջին հեծանվաարշավը դեպի Ախուրիկ գյուղի «տաք ջուր», գյուղի մոտ գտնվող լիճ և Ախուրյան գետ:



Իսկ հուլիսի 20-ին և 21-ին Մարմաշեն վանական համալիր, Ախուրյանի կիրճ, «Նադիայի լիճ», Արգիշտի Ա-ի արձանագրության մոտ:



Հաջորդ արշավները լինելու են օգոստոսին, հետևիք [ծրագրի էջին](#) և միացիր արշավներին:

Մենք միաժամանակ ակտիվացրել ենք Գյումրու ԵՆԿ ՀԿ-ի հեծանվասերների ակումբի գործունեությունն ու հրավիրում ենք միանալ: Մանրամասները՝ գրանցման [հայտում](#):



Իսկ նրանց համար, ովքեր չգիտեն հեծանիվ վարել, նշենք, որ սկսել ենք հեծանվավարության տեսա-գործնական դասընթացների շարք:

ՇԱՐԺՈՒՆԱԿՈՒԹՅՈՒՆԸ ԵՆԿ-Ի ՀԵՏ

Ուրախ ենք տեղեկացնել, որ Ֆրանսիայի Կան քաղաքում տեղի ունեցավ «CAUCAN – Counter and Alternative Narratives for Human Rights in the Caucasus» խորագիրը կրող աշխատանքային այցը:

Հայաստանից ծրագրին մասնակցեցին՝ ԵՆԿ-ից Մարիամ Հակոբյանը և Սյուզաննա Պետրոսյանը, Ջինիշյան հիշատակի հիմնադրամից Սելինե Շախնազարյանը:



Ինչպես նաև այս ամսվա ընթացքում ունեցել ենք երեք ծրագրի հնարավորություն Էրազմուս* ծրագրի շրջանակներում որոնցից մեկը միջազգային դասընթացն էր երիտասարդական աշխատողների համար Լեհաստանի Վրոցլավ քաղաքում, հաջորդը միջազգային երիտասարդական փոխանակման ծրագիրն էր բնության թեմայով Իտալիայի Տրամոնտի քաղաքում և միջազգային դասընթացն էր կամավորների համակարգողների համար Լեհաստանի Պոզնան քաղաքում:

ԵՎՐԱՆՈՐՀՐԴԻ ՓՈՐՁԱԳԻՏԱԿԱՆ ԽՄԲԻ ԱՅՑԵՆՈՒԹՅՈՒՆԸ ԵՆԿ ԵՎ ԵՐԻՏԱՍԱՐԴՆԵՐԻ ՏՈՒՆ

Հունիսի 17- ին Գյումրու « Երիտասարդական նախաձեռնությունների կենտրոն» ՀԿ-ի հրավերով Գյումրի այցելեցին Եվրախորհրդի երիտասարդական քաղաքականության խորհրդատվական առաքելության փորձագիտական խմբի 5 հոգանոց պատվիրակությունը և հանդիպումներ ունեցան Գյումրու քաղաքապետի, Շիրակի մարզպետի, տեղական երիտասարդական կազմակերպությունների ներկայացուցիչների հետ:

Այցի նպատակն էր աջակցել ՀՀ իշխանություններին մասնավորապես ՀՀ կրթության գիտության մշակույթի և սպորտի նախարարությանը ՀՀ երիտասարդական դաշտի կատարելագործման և Հայաստանի ազգային երիտասարդական ռազմավարության վերանայման համար Եվրոպայի խորհրդի նորմերի ու ստանդարտների հիման վրա առաջարկների պատրաստման հարցում:

Նրանք այցելեցին նաև Գյումրու «Երիտասարդների տուն» բաց երիտասարական կենտրոն, որտեղ ծանոթացան նրա գործունեությանն ու առօրյային:



ՀՈՒՆԱԳԻՐ ԵՐԻՏԱՍԱՐԴՈՒԹՅԱՆ ՈՒՈՐՏՈՒՄ ՀԱՄԱԳՈՐԾԱԿՑՈՒԹՅԱՆ ՎԵՐԱԲԵՐՅԱԼ

Հունիսի 18-ին Գյումրու «Երիտասարդական նախաձեռնություններ կենտրոն» ՀԿ-ի և Երևանի Կոմիտասի անվան կոնսերվատորիայի Գյումրու մասնաճյուղի միջև ստորագրվեց փոխըմբռման հուշագիր երիտասարդության ոլորտում համագործակցության վերաբերյալ: Փաստաթուղթը ստորագրել են ԵՆԿ ՀԿ-ի նախագահ Արթուր Նաջարյանը և Երևանի Կոմիտասի անվան կոնսերվատորիայի Գյումրու մասնաճյուղի տնօրենի ժամանակավոր պաշտոնակատար Հասմիկ Հարությունյանը

Հուշագրի նպատակն է օժանդակել կողմերի միջև համագործակցության ամրապնդմանը՝ տրամադրելով ուսումնական հաստատության ուսանողներին և դասախոսական կազմին հնարավորություն՝ մասնակցելու ԵՆԿ ՀԿ-ի կողմից իրականացվող միջազգային ծրագրերին:



ԵՎՐՈՊԱԿԱՆ ԿԱՄԱԿՈՐԱԿԱՆ ԱՇԽԱՏԱՆՔ



2019թ. հուլիսի 30-ին տեղի ունեցավ Եվրոպական Միության «Եվրոպական կամավորական ծառայություն» ծրագրի շրջանակներում Սլովակիայից Գյումրի ժամանած Յոզեֆ Բակյասի հրաժեշտի ոչ-ֆորմալ հավաքույթը: Ժոզեֆը տասն ամիս շարունակ Գյումրու «Երիտասարդական նախաձեռնություններ կենտրոն» ՅԿ-ում ներգրավված է եղել հանրային

կապերի աշխատանքներում զբաղվել է «Ուրբաթօրյա սրճարանի» կազմակերպման աշխատանքներով, ԵՆԿ-ում և Երիտասարդների տանը վարել է «Լուսանկարչության և տեսանյութերի պատրաստման ակումբ», Բավրայում անցկացրել է անգլերենի ակումբ, պատրաստել է ԵՆԿ-ի ամսական տեսանյութերը և այլն:

Հավաքույթի ընթացքում ԵԿԾ համակարգող Մարիամ Ղարազյոզյանի կողմից Յոզեֆին հանձնվեց շնորհակալագիր և YouthPass հավաստագիրը՝ իրականացրած կամավորական աշխատանքի համար:

Հուլիս ամսին ունեցել կարճաժամկետ Եվրոպական կամավորական աշխատանքի հնարավորություն Լեհաստանի Պոզնան քաղաքում:

GLOW ԱՄՍՈՒՅԻՆ ՃԱՄԲԱՐ

Սպիտակի GLOW ցերեկային ճամբարը, որը տեղի ունեցավ հուլիսի 22-26-ը՝ Սպիտակի ԵՄԶԱ ՅԿ-ում:

Ճամբարն իրականացվեց Գյումրու «Երիտասարդական նախաձեռնություններ կենտրոն» ՅԿ-ի և Ամերիկյան խաղաղության կորպուսի կամավորների կողմից՝ Սպիտակի ԵՄԶԱ ՅԿ-ի հետ համագործակցությամբ:

Ճամբարին մասնակցում էին 20 աղջիկներ Սպիտակ, Լեռնանցք Սարամեջ և Ջրաշեն համայնքներից, ովքեր հնարավորություն ունեցան բացահայտելու և զարգացնելու իրենց առաջնորդական հմտությունները մշակելու իրենց համայնքի կարիքներից բխող ծրագրեր և խորացնելու գիտելիքները աշխարհառջակ կանանց վերաբերյալ, ովքեր ավանդ են ունեցել կրթության գիտության, բնապահպանության, մարդու իրավունքների և այլ ոլորտներում:

Հաջորդը Մեդրին Էլինելու:



